

## 有关三月的唯美诗句

1.  
三月江城柳絮飞，五年游客送人归。故将别泪和乡泪，今日阑干湿汝衣。  
。——戎昱《征人归乡》
2.  
莺初解语，最是一年春好处。微雨如酥，草色遥看近却无。休辞醉倒，  
花不看开人易老。莫待春回，颠倒红英间绿苔。——苏轼《减字木兰花  
》
3.  
三月雪连夜，未应伤物华。只缘春欲尽，留著伴梨花。——温庭筠《嘲  
三月十八日雪》
4.  
万树江边杏，新开一夜风。满园深浅色，照在绿波中。——王涯《春游  
曲》
5.  
误入杏花尘，晴江一看春。菰蒲虽似越，骨肉且非秦。曲岸藏翘鹭，垂  
杨拂跃鳞。徒怜汀草色，未是醉眠人。——喻坦之《春游曲江》
6.  
人物竞纷华，骊驹逐钿车。此时松与柏，不及道傍花。——司马光《春  
游》
7.  
几枝红雪墙头杏，数点青山屋上屏。一春能得几晴明？三月景，宜醉不  
宜醒。残花酝酿蜂儿蜜，细雨调和燕子泥。绿窗春睡觉来迟。谁唤起？

窗外晓莺啼。一帘红雨桃花谢，十里清阴柳影斜。洛阳花酒一时别。春去也，闲煞旧蜂蝶。——胡祇遹《阳春曲》

8.  
肃肃花絮晚，菲菲红素轻。日长雄鸟雀，春远独柴荆。——杜甫《春运》

9.  
信马腾腾触处行，春风相引与诗情。等闲遇事成歌咏，取次冲筵隐姓名。映柳认人多错误，透花窥鸟最分明。岑牟单绞何曾著，莫道猖狂似祢衡。——皮日休《襄州春游》

10.  
辛夷才谢小桃发，蹋青过后寒食前，四时最好是三月，一去不回唯少年。吴国地遥江接海，汉陵魂断草连天。新愁旧恨真无奈，须就邻家瓮底眠。——韩偓《三月》

11.  
喜得赏心处，春山岂计程。连溪芳草合，半岭白云晴。绝涧漱冰碧，仙坛挹颢清。怀君在人境，不共此时情。——权德舆《春游茅山酬杜评事见寄》

12.  
千里莺啼绿映红，水村山郭酒旗风。南朝四百八十寺，多少楼台烟雨中。——杜牧《江南春》

13.  
秦地罗敷女，采桑绿水边。素手青条上，红妆白日鲜。蚕饥妾欲去，五马莫留连。——李白《子夜吴歌·春歌》

14.  
大堤行乐处，车马相驰突。岁岁春草生，踏青二三月。——孟浩然《大堤行寄万七》

15.

蓬岛灵仙宅，星河帝女居。波光泛金翠，楼影动云霞。清浅游鱼过，参差垂柳斜。移舟更寻胜，远见小桃花。——苏辙《初春游李太尉宅东池》

16.

桃源只在镜湖中，影落清波十里红。自别西川海棠后，初将烂醉答春风。——陆游《泛舟观桃花》

17.

青青南陌柳如丝，柳色莺声晚日迟。何处最伤游客思，春风三月落花时。——武元衡《陌上暮春》

18.

碧玉妆成一树高，万条垂下绿丝绦。不知细叶谁裁出，二月春风似剪刀。——贺知章《咏柳》

19.

二月湖水清，家家春鸟鸣。林花扫更落，径草踏还生。酒伴来相命，开尊共解醒。当杯已入手，歌妓莫停声。——孟浩然《春中喜王九相寻》

20.

三月暮，花落更情浓。人去秋千闲挂月，马停杨柳倦嘶风。堤畔画船空。恹恹醉，长日小帘栊。宿燕夜归银烛外，啼莺声在绿阴中。无处觅残红。——吴文英《望江南·三月暮》

21.

桃花浅深处，似匀深浅妆。春风助肠断，吹落白衣裳。——元稹《桃花》

22.

春水满江南，三月多芳草。幽鸟衔将远恨来，一一都啼了。不学鸳鸯老。回首临平道。人道长眉似远山，山不似长眉好。——赵长卿《卜算子·春景》

23.

春日游，杏花吹满头。陌上谁家年少足风流？妾拟将身嫁与一生休。纵被无情弃，不能羞。——韦庄《思帝乡》

24.

手种桃李非无主，野老墙低还似家。恰似春风相欺得，夜来吹折数枝花。——杜甫《绝句漫兴》

25.

亭上风犹急，桥边月已斜。柳寒难吐絮，浪浊不成花。岐路春三月，园林海一涯。萧然正无寐，夜橹莫咿哑。——吴融《汴上晚泊》

26.

故人西辞黄鹤楼，烟花三月下扬州。孤帆远影碧空尽，唯见长江天际流。——李白《送孟浩然之广陵》

27.

更深月色半人家，北斗阑干南斗斜。今夜偏知春气暖，虫声新透绿窗纱。——刘方平《月夜》

28.

清明风日雨干时，草满花堤水满溪。童子柳阴眠正着，一牛吃过柳阴西。——杨万里《桑茶坑道中》

29.

当年此日花前醉，今日花前病里销。独倚破帘闲怅望，可怜虚度好春朝。——元稹《酬乐天三月三日见寄》

30.

春雨过春城，春庭春草生。春闺动春思，春树叫春莺。——顾氏妹《春日》

本文链接：<https://duanjuziku.com/duanjuzi/3huz08ckv4.html>